

112 年全國語文競賽原住民族語朗讀 【卡那卡那富語】國中學生組 編號 3 號

kiatuturu mucimuru manu takuisi

'esi na ciciri cimuru, 'una ucani niarupaca karu kamanungu tanasa.
tanasa iisua, monoon 'inia takuisi cina mataa manu in takuisi ti'ingai.
patimanungun cina in miacara manu iisua. aratatia cu takuisi ti'ingai. 'una
ucani taniara. pasiun cina takuisi ti'ingai: "manu! aratatia cu kasu. tia cu
kasu kiatuturu putukio. takacicini cumacuvuru. sii ka'anu ku
tavara'u makasia miacara kasua matarava nuari." musu'u'uvu manu
marivari: "uu'u cina! makasuin ia, neni tia kamanungua soni?" pasiun cina
in: "mu'uru'uru pa tumatacucu nimuna cunu isi. mukusa vutunu tamna
tanasa." makacang takuisi ti'ingai mara cunu iisua, musu'u na 'aniacanga
pusu'anu, makari cina in, arapipiningi cu ku, misee!

vutunu tamna tanasa ia, 'esi na tiimcara cimuru. noo tiain mukusa 'inia,
tia pa maica 'akia cuungkucu nungnung. mupara ucani cimuru. tavara'u cu
makacukuna. tia mu'uru'uru takuisi ti'ingai maica 'akia cungkucu
nungnung. mataa nipusu'anu ucani nimunua, tia vua vutunu cunu.
pacupungu! tia makananu musiparu? kesoniun kee 'apasu mataa 'arasakai,
tavara'u kara kamu mava 'ikua musiparu? ka'anu! me'icunu curu kasu! tia
miakaka kimia 'uma'atipi. mataa nima'unu kasu maringuna cunu. tia

musutavuru muvuru. iikamu takuisi saihi maica 'itu'itunu. 'una nesa
macasu to'umangu, arao patakuviri na nungnung. tavara'un cu
maica 'inia. 'apaica kari ni sua takuisi ti'ingai. cucuruava! ka'anu rangrang
matarava cu sipara.

macuvungu, tia cu mupara cimuru. mucuri 'inia takuisi pacupungu,
ia'aa! cucuruana marungucai cimuru isi. tia kara ku tavara'u maica 'inia?
matunusu ucani rituka. kesoniun takuisi, tavara'un kara uparaun sua
cimuru isi? marivari rituka, ka'anu rangrang! tantaniara ku maica 'inia.
pacupungu takuisi, makasia marungucai, cucuru kara nguain paira
maica 'inia? matunusu manu vavuru, makacang kesoni 'inia. marivari
vavuru, cucuru 'apitaru! nimaica ku 'inia miura, natia cu
matapari'i 'itu'itunu! tumatimana manu takuisi, makacang pui'i tanasa.

'apu'iarun cina in makari. 'akuni makai tupi'i tumatimana kari cau.
takacicinia patanamu. koo pa tanamu, ka'anu pa tavara'un tia kara kasu
sumacukuna? mucana masini, maka'unaa pa tanamu! tinakacicini manu
takuisi kipatusu mucimuru. 'apaco'e avuran kavangvang tina'an, nakai
marivivini tinacucu kee cunu iisua. makacukuna na tanasa vutunu.

學爬山的小羊

山腳下住著山羊媽媽和小羊。媽媽說：「請你將這捆青草送去高山上的鹿先生家！」小羊把青草揹在肩上，向媽媽道別後出門。

小羊來到一條溪流，他問水裡的蟹蝦能背他過去嗎？說那裡有竹子，可以拿來橫放在溪流的兩端走過去，小羊照做，果然到了對岸。

到了那座山，小羊心想：「山這麼高，爬得過去嗎？」牠問兔子：「這座山可以爬過去嗎？」兔子說：「不難！我每天爬兩、三次！」小羊想：「山這麼高，怎麼可能爬這麼多次？」牠去問小山豬，小山豬說：「很危險，我昨天差點滾下來！」小羊聽完就轉頭回家。

媽媽問：「你怎麼又把青草揹回來？」牠說：「兔子說山很好爬，小山豬說山很危險，我看山那麼高，實在很害怕，就回來了。」媽媽說：「不要盲目聽別人的話，要學著自己去判斷該不該做，你再去試試！」

小羊靠著自己努力，雖然爬得全身是汗，最後還是把青草送到鹿住的地方。